



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 30. S. Eusebii Vercellensis, & S. Hilarii Labores.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

Hilarius esset tantum Diaconus, nec Presbyteros, aut Episcopos haberet, Evcharistiam consecrare non poterat, nec ex eadem causa Baptismum solemnem conferre, qui, ut consuetudo illius temporis ferebat, absque Evcharistia non conferebatur, multo minus poterat Clericos ordinare; hinc factum, ut ipsius Secta unacum suo auctore interierit.

Sæculum IV.
A. C. 362.

§. XXX.

*S. Eusebii Vercellensis, & S. Hilarii
Labores.*

Sanctus Eusebius Vercellensis secum in Occidentem duxit Presbyterum Evangelium Pompejani Antiocheni filium, exinde in una hujus Ecclesiæ Sede Paulini Successorem. Idem S. Eusebius plurimas

*Basil. ep. 8.
Ruf. 1. c. 30.
Socr. III.
c. 10.
Sozom. V.
c. 13.*

Orientis Provincias peragravit, modicæ fidei Christianos confirmans, rudes informans, & ad Ecclesiæ Catholicæ unitatem reducens; inde in Illyricum transit, & tandem in Italiam, ubi omnium Fidelium applausu exceptus est; ibi S. Hilarium Pictaviensem invenit, qui etiam sua ex parte ad revehendam fidem Catholicam pari zelo, & feliciori successu adlaborabat; in causa reconciliationis eorum, qui formulæ Ariminensi subscripserant, ejusdem, cujus S. Athanasius, erat opinionis, & contra sententiam aliquorum, cum illis communicare recusantium, omnes vo-

*Sulp. Sev.
l. 2. p. 433.
&c.*

Hist. Eccles. Tom. IV. G cabat

Sæculum IV. cabat ad pœnitentiam; hanc ob causam
 A. C. 362. plura in Galliis celebravit Concilia, atque
 inter illa Parisiense, de quo locuti sumus,
 numerari potest. In istis Conciliis, quæ
 Arimini facta fuerant, damnata sunt, &
 fides Ecclesiæ puritati pristinæ restituta.
 Saturninus Arelatensis malignæ, & per-
 versæ indolis homo piis conatibus adver-
 sabatur, qui deinde præter hæresis suspi-
 cionem enormium scelerum convictus, &
 Ecclesia ejectus est. Paternus Petrico-
 riensis, nec in moribus, nec in fide Satur-
 nino melior, Episcopatu depositus; reli-
 quis omnibus venia concessa; atque
 omnes fatebantur, solius S. Hilarii solli-
 citudine, & industria factum, ut Gallia
 ab hæresis macula purgaretur.

S. Hilarius ex Gallia migravit in Ita-
 liam, ubi S. Eusebius Vercellensis eum in-
 venire gavisus est. Uterque juncta ope-
 ra pacem reducere conabatur, at uberio-
 res fructus colligebat Hilarius, mitissima
 indole, opinione eruditionis, & eloquen-
 tiæ arte insignis. Tunc Episcopi Italiæ
 data ad Illyricos epistola iis reditum ad
 sanam Doctrinam gratulati sunt; *omnes*
jam in hoc consensimus, inqueiebant: *ut*
Decreta Nicænæ Synodi servemus contra
Arium, & Sabellium, quorum ex parte
bæres est Photinus. Unanimi omnium Pro-
vinciarum consensu Decreta Ariminensia,
quorundam privatorum argutiis corru-
 pta

Ruf. 1. 6.
 31.
 ap. Hilar.
 fragm. 12.
 n. 3.

pta, irritavimus. Subscriptionum nostrarum exempla vobis transmittimus, ut, quisquis pacem nostram cupit, nobis diligenter formulam suam mittat, qua fidem Nicænam recipiat, & Concilium Ariminense damnet. Ex hac epistola dispicere est, quam largos fructus S. Eusebii in Illyrico labores tulerint, ubi antea sub Photino, Germinio, Ursacio, & Valente hæresis fuerat dominata.

Sæculum IV.
A. C. 362.

§. XXXI.

Martyres in Italia, & in Gallia.

Multi leguntur in antiquis Martyrologiis sub Juliano Romæ Martyrium passi. Quos inter inveniuntur Joannes, & Paulus, quos præcipuis in aula sub Constantino officiis spectabiles fuisse dicunt; Pigmenius, Priscus, Joannes, & Januarius Presbyteri; Bibiana Virgo, Mater ejus Dafrosa, & Flavianus Pater, qui Præfectus fuisse fertur. Gordianus Præfecti Vicarius, & quidam alii. Inter hos illustrissimæ famæ sunt SS. Joannes, & Paulus. Illud certum est, a Juliano Apronianum Gentilem, & Christianis infensissimum anno 363. Romæ Præfectum fuisse constitutum. Is Romam adveniens unius oculi jacturam fecit, cumque id sibi maleficio accidisse crederet, ad conqui-
rendos Magos, veneficosque accensus est; atqui inter alias criminationes, quibus

Baron. anns
362. ex Mart.
tyr. & act.
Mart. Rom.
2. Decembr.
10. Maji.
26. Jun.
An. XXXVI.
c. 3.

G 2

Chri-